

plenam licentiam et potestatem liberam concedimus per praesentes, volentes et decernentes, ut eisdem executoribus omnibus et singulis praesentibus et futuris vigore praesentium quoad praemissa potestas et licentia semper remaneat attributa, sic quod praesentes litterae per obitum concedentis non expirent, constitutionibus et legibus imperialibus ac privilegiis et indultis quorumcunque necnon consuetudinibus et aliis in contrarium forsan facientibus non obstantibus quibuscumque, praesentium sub nostrae imperialis maiestatis sigillo testimonio litterarum. Datum Ratisponae anno domini millesimo quadringentesimo tricesimo quarto die penultima Augusti, regnorum nostrorum anno Hungariae . . . quadragesimo octavo, Romanorum vigesimo-quarto, Boemiae quintodecimo, imperii vero secundo.

Ad mandatum domini imperatoris Gaspar Slick miles cancellarius.

Nach dem Orig. im K. Haupt-Staatsarchiv zu Dresden mit dem grossen Majestätssiegel des Kaisers an einer Schnur von schwarzer und gelber Seide.

No. 956. 1434. 11. Sept.

*Caspar von Schönberg, Decan des Hochstifts befiehlt im speciellen Auftrage des B. Johann unter ernster Bedrohung Ungchorsamer der gesammten Geistlichkeit der Diöcese ohne alle Ausnahme den 20. Theil ihres Jahresinkommens als eine vom Basler Concil ausgeschriebene Steuer binnen 30 Tagen unweigerlich zu zahlen.*

Caspar de Schonberg, decanus ecclesiae Misnensis subcollector vicesimi denarii seu semidecimae unius anni per sacrosanctam generalem synodum Basiliensem de fructibus redditibus et proventibus ecclesiasticis pro relevandis uni ecclesiae dei et catholicae fidei orthodoxae pressuris impositi seu impositae a reverendo — domino Johanne episcopo Misnensi collectore principali ab eadem sancta synodo generali per suas civitatem et diocesim Misnensem ad hoc specialiter deputato subdeputatus venerabilibus dominis et circumspectis viris abbatibus prioribus praepositis decanis archidiaconis scolasticis cantoribus thesaurariis custodibus ac katedralium et collegiatarum ecclesiarum canonicis necnon universis et singulis abbatissis priorissis praepositis regularibus et secularibus commendatoribus archipresbyteris collegiis monasteriis et conventibus exemptis et non exemptis vicariis perpetuis ac plebanis et viceplebanis ecclesiarum parochialium altariumque rectoribus ac aliis omnibus et singulis clericis beneficiatis seu ecclesiastica beneficia quaecunque in ecclesia civitate et diocesi Misnensi obtinentibus, cuiuscumque status dignitatis gradus ordinis praeminentiae religionis vel conditionis existant, exemptis et non exemptis, ad quorum notitiam praesentes pervenerint et quorum interest aut interesse quomodolibet poterit ratione praemissarum salutem in domino et mandatis nostris immo verius sacrae synodi generalis et universalis ecclesiae in hac parte firmiter obedire. Noveritis nos litteras seu processus subdelegationis praefati reverendi — domini Johannis episcopi Misnensis — nobis de eius mandato et nuntio proprio iurato praesentatas — recepisse (No. 948. 949 u. 953). Nos Caspar decanus et subcollector memoratus attendentes negotium tam pium et meritorium et sanctum, quo totius christianae religionis commune bonum